



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ioannis Ioviani Pontani amorum libri II.**

**Pontano, Giovanni Gioviano**

**Venetiis, 1518**

Poliphemus ad Galateam.

**urn:nbn:de:hbz:466:1-13534**

Dum minax in nos oculos retorques,  
Et deos irata male imprecaris.

Ingruit statim dolor, & deorum

Ira munantur.

Nonne & infelix, miserumq; amantis

Munus? est illi dolor, est & usq;

Curâq; & mœror comes. est laborum

Certa propago.

POLYPHEMVS ad Galateam.

c Vr fugis uirgo Polyphemon? Aetna

Quem cupit, pascens tacitas fauillas.

En ego ad littus propero, ipsa in altis

Is uaga saltus.

Qualis in pratis melilotos udis

Carices inter nitet, inter ipsa

Cratidis nymphas facieq; & omni

Corpore præstas.

Alta ut in syluis humiles myricas

Fagus excellit, pecudum magistros

Ipsæ sic cunctos, & honore barbæ, &

Crine relinquo.

Est tibi insignis coma, qua nitescis,

Sunt mihi & setæ, quibus ipse & hircos,

Atq; oues solus supero, genusq;

Et nemus horret.

Cur fugis uirgo Polyphemon? Aetna

Inruit cui, & uocat usq; ab alto

Monte succensis facibus, suosq;

Indicat ignes.



VERSUS

En pedum, cuius capulo suilli  
 Albicant dentes, riget acer ictu  
 Corneus mucro, medio reuinctus  
 Serpit acanthus.

Aspice hunc sparsis maculis galerum.  
 En decus rarum capitis. superbit  
 Hinnuli pelle. en tremt asper hirtu  
 Conus echinno.

En tegit plantas capreae reuulsus  
 Pero de tergo. ligat hunc acerno  
 Fibula amplexu, Gelae benignum  
 Munus amantis.

Cur fugis uirgo Polyphemon? ipsa  
 Aetna quem rursus uocat, atq; ab alta  
 Innuit rupe, & facibus superbum in-  
 uitat amantem.

Non mihi desunt Galatea lanae,  
 Non oues, bis quae pariant in anno,  
 Bis die ad mulctram ueniant uocatae  
 Nomine uaccæ.

Vellera atq; assunt niuea, & petulci  
 Vir gregis bifrons caper, & tricornis  
 Ille, & insultans aries, Sicani  
 Littoris horror.

Ille & insultans uitulis, mihiq;  
 Taurus instans cornibus. ah Pelori,  
 Ah Gelæ pastor caue, & insolentem  
 Pelle iuuenctum.

Cur fugis uirgo Polyphemon? illum,  
 Cuius ad formam stupeant uel undæ,



Cuius & robur nemora, & lacertos  
Saxa tremiscant.

Lacte de nostro fluitent & amnes.

Surgat hoc ipso tumultus coacto.

Mille equæ ad ripas stabulantur, alti &  
Flumina Anapi.

Mille te capræ, totidemq; & hœdi,

Mille te uaccæ, totidemq; tauri,

Mille te è nostris stabulis sequentur

Hubera equarum.

Si semel mecum Galatea, mecum

Littus inuisens, Siculasq; terras

Duxeris mecum choreas amatae ad

Carmen auenæ.

Cur fugis uirgo Polyphemon? ecquem

Italæ tellus Polyphemon? ecquem

Brutij montes Oriarchon? amnis

Ecquem habet ullus?

Vnicum est soli Polyphemo, at ingens

Lumen. hoc uno fugo & ipse nubes,

Montium hoc uno fugo tetra, & amplæ

Monstra lacunæ.

Ipsæ dum uastum mare curro, adæquant

Genua nec fluctus, tiliæ nec æquant,

Erro dum syluis. mihi cedit unda,

Cedit & aer.

Quin & hac dextra quoties Pachinni

Verticem, aut summi quatio Pelori,

Ausonum littus tremat, & Libysæ

Tractus arenæ.



VERSUS

Quem fugis demens Galatea? cuius  
Aequet & diuos genus, & propago  
Imperet syluis, pecori, ac magistris,  
Et maris undis.

Sunt mihi urforum, simul & leonum  
Fistulae assueti catuli, manuq;

Quos ego in lusum, illecebrasq; natis,  
Et tibi seruo.

Sunt & assueti manibus, iocisq;  
Piscium foetus teneri. hos puellis,  
Et tibi seruo. O' age dura nostrae

Causa querelae,

Et foue ingentem Polyphemon, antra  
Ipsa quem uix iam capiunt, uel ipsi  
Montium saltus. age dura nostrae

Causa querelae,

Et tege amplexu Polyphemon, ipse  
Quem tegunt uix aut tiliæ, aut comantes  
Aesculi, aut pinus. age dura nostrae

Causa querelae,

Osculo & dona Polyphemo. heu heu  
Osculum, & uoces fugit. Ah superba  
Ah parum felix, fugit, & sub imo  
Conditur amne.

AD FIDEM.

q Vo fugis rerum Dea? quo deorum  
O' fides nutrix? maria alta te te  
Hospitem pellunt. fugat ipsa iniquo  
Foedere tellus.